

**KUMPUAN**  
RAM LEH HNAM  
HUMHALH

**YMA**



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.26 24th June, 2012

## Branch YMA-in NH-54 pawhtu Central road siamtha dawn

**Chanmari West, June 24 :** Chanmari west branch YMA chuan National highway 54 Central road-in a pawhna lai chu siamtha turin hma a la mek a ni. He lai kawngpui hi siam tlang a ni tawh a, amaherawhchu national highway a pawhna lai tak hi a awih lutuk a, kawng hi lung rema awih lo deuh hlek tura siam a nih loh chuan motor tan kal tak tak theih a ni lova, chuvang chuan bialtu MLA chuan helai kawngpui siamtha tur hian kan branch YMA hi a ti ta a ni.

Ni 21.6.2012 zingkarah khan balu dahna tur siam hian branch executive memberte chu an hnatleng tawh a, balu pawh dah nghal a ni. Nimin khan lung dah leh tura beisei a ni a, hna pawh tha taka thawh a ni ang.

He hna enkawl tur hian committee chuan Pu RL. Thanhnuna branch secretary chu a ruat a, hna tan a nih hnu hian hnatlant pawh a ngaih mai theih avangin memberte lo inkau theuh turin

branch committee chuan a ngen lawk a ni.

Nimin zing khan bialtu MLA Pu Lal thanzara, PWD EE leh branch OB te nen hnathawh dan tur enho a ni a, naktuk hian hna tan nghal tum a ni. PWD lam ruahman dan chuan November thla veleh helai kawng hi metal an tum a, chuvang chuan helai kawng hi tha taka lo zawh fel hi YMA chuan a tum a ni.

### Bawlhhlawh paih chungchangah inrawnkhawm a ni

Ni 21.6.2012 zanah khan Govt. middle school-ah Chanmari west Local council kaihhruiin bawlhhlawh paih chungchanga Ward No VI chhunga Ward committee-te leh Chamari west a NGO te tan a inrawnkhawm hun hman a ni. PPP mode hmanga bawlhhlawh paih chungchang inrawnkhawm hi Ward No - VI huam chhung tan ruahman a ni a, he hun hi

Chanmari west local council chairman Pu F. Zosanga chuan a kaihrauaia a, Executive councillor Pu Lalzirliana'n a hmanpui a, PPP mode chungchang a sawifiah a ni. PPP mode-ah hian mipui hian 10% thawh tur a ni a, a bak chu sawrkar lamin a tum dawn a, mipui hian Rs 10/- aia tlem lo theuh thawhkhawm a ngai dawn a ni. He hunah hian Hunthar lam an kal thei lo a ni.

### Chawngbawla Section Sports

Chawngbawla Section chuan kumin chhunga section project pakhat inflamma lam atan Ni 21.6.2012 khan Mizo High School Field-ah Football khelh tan a ni a.

'CH' SECTION SPORTS (YMA CHHANG TE PAWHIN AN HLUT HLE)



Published and Edited by Chanmari West Branch YMA. 1050 Copies

### Branch News

Ni 21.6.2012 khan Armed Veng Branch YMA ten vodafone cup a an champion lawmna an neihah branch O.B leh player-te min rawn sawm angin lawmpui an ni.

Information mike tha lo awmte Property Sub Comtt ten tlawmngain an siamtha thin a, hma latute chungah lawmthu sawi a ni.

Kar hmasa inrinni khan zawlbulkah branch executive committee, section ob leh thlanmual sub-committee memberte chuan kuang duangin an hnatleng.

Ni 23.6.2012 zingkar khan Branch O.B, Bialtu MLA leh PWD hotute chuan central road siam dan tur an enho.

Ni 25.6.2012 (Thawhtan) zingkar ah hian Olympic day run neih turah kan branch atangin mi panga tlan tura min ngen angin branch assistant secretary Tv. Zaitea hovin tlan tum a ni.

Branch adviser Pu Lalbiakthanga khangte chu a hna Aizawl SP atangin Commandant, 1st Bn MAP a awm tur tih a ni a, a hna thar turah tha taka a thawh theih nan duhsakna an hlan.

Ni 21.6.2012 zingkar khan Branch executive memberte balu dahna tur siamin an hnatleng.

### LUSUN KHAWHAR

Ni 17.6.2012 zan khan kan member Pi Laldinpui (Didini) Kum 46 W/o Lalbiaksanga 'V' section chu a boral a, lusun chhungte branch committee chuan kan tawrhpu tak zet a ni.

**TUN KAR CHANGVAWN**  
“Mangan ni i chauh mai chuan i chakna a bei tham a ni. Thi tura hrulaite chu chhanchhuak la, thah mai turte chu chhanchhuak thuai rawh”. Thufingte 24:10,11

**Editorial Board**

<b>Editor:</b>	J.Lalnangliana	9862399658
<b>Joint Editor :</b>	Lalchhandama	9862358347
<b>News Editor :</b>	Thangkhuma	9862303135
	R. Lalrinngheta	9862358337
	Jacob Lalrinsanga	9612319779
<b>Cir.Manager :</b>	Johny Lalthanpuia	9612359161
	EVL. Hruaitluanga	9862655426
<b>Production Manager :</b>	R.Lalhmachhuana	9436151817

**Branch Office Bearer**

<b>President</b>	T. Ngurkhuma	9436190843
<b>Vice President</b>	R. Lalhmachhuana	9436151817
<b>Secretary</b>	RL. Thanhnuna	9436152760
<b>Asst. Secretary</b>	Zairemmawia	9862385654
<b>Treasurer</b>	C. Lalzarliana	9436142049
<b>Fin.Secretary</b>	K. Darthantluanga	9436196071
<b>Adviser-te :</b>	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

**Article :*****Editorial :***

Kum chanve kan lo chuangkai ta a, kan hmalak tawh dan te han thlir kir ila, tih fuh loh tam tak kan nei mai thei a, tih that pawh tam tak kan nei ngei ang.

Kan lo tih fuh loh a awm chuan kan insiam that ngam angai a, 'tih sual hi mihring zia' a ni an lo tih tawh avangin, insiamthat hi kan hreh tur a ni lo. Kal sual palh emaw rel sual palh emaw a awm lo thei lova, chuvang chuan hmasawn tur kan nih avangin insiam that hreh lova, a dik leh hmasawn zawnga kal kan tum tur a ni ang.

Kan kal tawh dan han thlir let ila, kan lo tihtat tam tak a awm bawk ang, kan chhunzawm ang a, mi dangte pawhin kan tanpui ang a, kan chhunzawmpui bawk ang.

Fur kan thleng ta tak taka, leimin leh chhiatna dang tam tak kan hma-chhawn thei a, heng hun lo thleng palh thei lakah hian kan fimkhur a, kan thawhho thiam a, hotute thu kan ngaih thiam a ngai hle. Mahni thua kal mai lovin an zai kan ngaih a, hotute pawhin ruahmann fel tak kan neih zung zung theih a ngai a ni. Chhiatna dang thleng thei lakah pawh hian kan inven fimkhur a ngai a, kan thununna hnuia awm a nih loh avnga hian kan theih ang tawk a kan lo fimkhur hi kan lo tih ve ngei tur a ni ang.

**2012 Thuvawn**

*I awmdan tur chu LALPA chungah nghan la; Amah chu ring la, aman a ti vek ang.*

**UN PRESS RELEASE**

- Lalchhanhima (Puia)

*Kum 2012 hi United Nation chuan Year of Cooperative-ah a puang*

United Nations General Assembly chuan Cooperative ten ei leh barte, khawtlang dinhmun chawikanna lamahte a tha thawh dan ngun taka a thlir hian ropui a ti a. Kum 2012 hi International Year of Cooperatives atan a puang a ni. Resolution 64/136 chu 18 December, 2009 khan pawm a ni a, hetiang hian Assembly-ah chhinchhiah a ni; Cooperative chuan retheihna umbo kawngah te, hnathawh tur siam kawngah te leh mipui vantlang inpumkhatna kawngahte a thawhhlawlk hle a ni.

Cooperative chu pawl pakhat, mahni duhthlanna ngeia inrelbawlha hrang nei tura an din a ni a. Tum leh duh thuhmun neiin ei leh bara intodelhna tur te, mipui vantlang mamawh phuhruk leh hmasawn zel tur a thawkhoin, thuneitu bik awm loin, member tinten an remtih tlanna ang zela rorelna kalpui thin a ni.

Mahni leh mahni intanpui pawl a nih angin a member-te mamawh a pek bakah khawtual mi, hna neilote tan hna a siam sak a, sum lakluhnaw kawngah mipui vantlang tan remchang a siam sak a ni. Cooperative chuan mipuite tan pawh remchang a siam sak a. Hnathawk tute chuan samkhai zawk nan shared service Cooperative dinin anmahni leh mahni an inchhawr thei thin a ni. Tin, thingtlang hmun, bank awm lohnaahte chuan an memberte tan sum khawlina leh puk theih dante siamin bank ang maia hnathawkin a memberte mamawh ang zelin sumdawn bul tanna turte pawisa a hmanhawh tir ve thin a, memberte mai bakah mipui vantlang tan a chhawrnahawm hle.

Cooperative hmalakna hian khawvel ram hrang hrang 100 velah member maktaduai 800 chuang a nei a ni. Khawvel pumah hian hna hrang hrang maktaduai 100 chuang fe siam angin chhut theih a ni bawk. Cooperative chakna leh a thlen chin chin entirna pe in han tarlang ila :-

World Council of Credit Union hnuia hian ram hrang hrang 96 hnenah Credit Union 49,000-te chuan Member maktaduai 177-te tan hna a siam sak a ni. European Association of

## TAITESENA

Section chhunga chhunginte mahni in leh a vel vawngfai turin an inchah.  
**An hruaitu N1.** Agnetha Lalnunmawii'n chhugkaw thil a delhi lama a awmsan a ngai chu an ui hle.  
**Pu Rotluanga** damlo pawh a dam leh thuai theih nan duhsakna an hlan.  
**An leader chuan** scooty a nei thar a, section tan tangkai taka, a hman an beisei.  
**An member** Tv. V. Biaknghinglova zin pawh dam takin a lo thleng leh ta.  
**YMA** buk bulah zu zuar an awm nia hriat a ni a, sim turin an ngen a, an sim loh chuan police hnenah hrilh a ni ang.

## CHAWNGBAWLA

Kumin chhunga section project pakhat infiamna lam atan Ni 21.6.2012 khan Mizo High School Field-ah Football khelh tan a ni a. Hemi ni hian mipa leh hmeichhe football team bakah YMA chhang ten hlimawm takin football an khel a, an result kimchang hetiang a ni.

## Mipa

Champion	- Blue House
1 <sup>st</sup> Runner's Up	- Green House
2 <sup>nd</sup> Runner's Up	- Red House

## Hmeichhia

Blue leh Green tangdunin Yellow leh Red House tangdun an hneh.

## An point hmuh dan:

Blue House	- 10 points
Green House	- 8 points
Red House	- 5 points
Yellow House	- 3 points

Tunah hian section-in Rs 5421 an nei mek a, project eng emaw zat thawh tur an la nei a, mi inphalte inpekna chu lawm takin an pawm thei reng.  
**Pi Vanrammawii w/o RB. Laitawia (L)** phai lam panpui pawh dam taka a lo haw leh thuai theih nan duhsakna an hlan.

## NEUVA

Kumin chhunga a Section Project zinga pakhat Sound Box lian chu Dt. 21/6/2012 khan lei a ni.  
**Pu Zothansanga Tochhawng, Bial - IV** na ami chuan Fire Extinguisher (Kang thelhna) Section tan arawn pe chu an lawm hle.  
**Chhungtin** ten mahni in leh avel vawng fai theuh turin an in ngen.  
**Section hruaitute** leh member-te YMA hmalakna hrang hrangah tun aia thahnem ngai leh zual turin an inchah.

## VANAPA

An Section Member Pi Laldinpuuin (Didini) a boralsan chu pawi an tiin, a chhungte an tawrhpu tak zet.

Didini hriatreng nan a Nu Pi Lianzothangi leh a Pasal Pu Joseph Lalbiaksanga te'n Dekchi lian tha tak mai Section an pe a, an lawm hle. Tin, he Dekchi thara chhinchhiahna siamsaktu Pu Zonunmawia chungah pawh lawmthu an sawi.

Flag ngul tur thahnem tak hawnsak tu Pu R.Kawlunga chungah lawmthu an sawi.

Pi Sanglianhangi (Kala lungte awm) chu an dam thuai an duhsak.

Doordarshan-a programme an neiha an hlawh Rs 4000/- chu an la fel tawh a, inhlawhna siamsaktu Pu VL Thakima (Leader) chungah lawmthu an sawi.

Kum tawp lama VANAPA NITE ropui taka hmang turin an inbuatsaih mek zel a, member-ten ngaihdan leh duhdante thawh a, hruaitute finchhuah zel turin an insawm.

YMA Day hmanna atana bungraw phurhnan leh ruang phurhnana phal taka motor (Pick up) hmantirtu Pu C. Thanchungnunga chungah an lawm hle.

Section Finance Secretary, Pu PC Lalawmawia damlo chu a thatchhuah zel turin an duhsak.

## KHUANGCHERA

Section huam chhunga insate kawngpui dimdawi hram thin turin an inngen.

Section hruaitute leh member-te YMA hmalakna hrang hrangah tun aia thahnem ngai leh zual turin an inchah.

An hruaitu Pu HV Lalthavela, Volleyball Coach chuan a team-te Manipur lama a champion pui zawhin dam takin Aizawl a rawn thleng leh ta, an chhuangin an lawmpui hle.

Heng mite hian Secretary hnena Certificate lam tur a ni e.

R. Lalmuapanua	- HSSLC
Lalbuatsaiha	- HSSLC
Lalruathanga	- HSSLC
Lalkrosmawii	- HSSLC
Lalmalsawmi	- HSSLC
Lalrinchhani	- HSSLC
Lalrinsiami	- HSLC
R. Lalramchhana	- HSLC
Lalruaitluangi	- HSLC
Lalrinkima	- HSLC

Section huam chhungah faina hnatlang neih a nih tawh avangin, faina kawngah hmala zel turin an inngen.

## Hmeichhia chu....

- I fawh chuan zak lo a ti che ang a, i fawh loh chuan 'PA' an ti lo ang che.
- I zei viau chuan, i lo ti nasa tawh hle a ni maw' a ti che ang a, i zei loh viau chuan 'chhass-ah' an duh lo ang che.
- Zan tin i len ziah chuan a ning che ang a, i len khat viau chuan a ringhlel ang che.
- I inkhawm peih viau chuan 'krist' si a ti che ang a, i inkhawm peih loh viau chuan sual si a ti thung ang che.
- I khawlai mi viau chuan a ringhlel che ang a, i tawm tlawk tlawk chuan an ngaihzawng peih lo ang che.
- Ruihtheih thil i khawih chuan an ngaihzawng tha peih lo che ang a, i khawih loh chuan 'NU' si an ti ang che.
- Party, picnic etc vela kalna tur i hriat viau chuan an ringhlel che ang a, kalna tur i hriat loh chuan an hmusit ang che.
- I incheih deuh vawng chuan an ngaih tha lo fo ang a, i inchei peih loh chuan 'tawp si' an ti ang che.
- A nu leh pa i bum sak thiam viau chuan 'i lo ti tawh thin a ni maw' an ti che ang a, i bum zei loh viua chuan 'zei si lo' an ti ang che.
- I luck viau chuan a veng reng che ang a, i luck loh viau chuan a induh khum ang che.
- Zana i len rei viau chuan a ning che ang a, i len rei loh chuan lenna tur dang i nei a ni a ti leh si ang che.
- Rui chunga i len chuan eng ngatinge rui chunga i lo len a ti che ang a, i ruih loh chuan a zah hle ang che.
- A chanchin mi dang hnena i sawi chuan a thinrim ang a, a bulah mi dang chanchin i sawi i sawi chuan a thin a rim ang.
- Mikhual nula i hriat theih viau chuan lerkawh si' an ti che ang a, i hriat theih loh viau chuan hawiher zau lo si a ti ang che.
- Thim zinga i awmpui chuan a thim si a ti ang a, enga awmpui i tum leh 'a eng si' an ti ang.

**Mi ropui pakhat mi dangte inngaih tet tir mi a awm a. Mi ropui dik tak erawh chuan mi tin ropua inngaih ve theihna a neih tir zawk.**

**GK. Chesterton**

**WARREN BUFFETT**

Mi haus a tawntaw, a hunlaia khawvel mi haus a ber dawttu ni pha Warren Buffett hi kum 1930 khan a lo piang a, kum 6 mi lek a nih lai atanga sum dawn tan tawh a nih avangin sumdawnna hi a kawng tur a ni tih a hrethiam nghal mai a ni.

Susie Thompson chu nupuih neii fa pathum an nei a ni. Number chhinchhiah thei emem mai hian lehkha chhiar a taima hle a, stamps, pawisa thir, bottle chhin lakkhawm leh motor number chhinchhiahte hi a tuipui thin hle.

Sumdawng tur awm tak mai Warren Buffett hian Columbia University atangin Master in Economics a zo. Mi rethei tana inphal em em mai Warren Buffett hian 'The Buffett foundation' a din a, kumtin \$12 million a pe thin a, \$31 million zet chu mi rethei tanpui nan a sem chhuak tawh a ni. A thih hnuah a sum 99% chu hna tha thawh nan pek a la tum cheu bawk a ni.

1. Kum 14 mi a nih laiin chanchinbu sema a inhlawnha hlawhin farm te tak te a lei tawh a ni.

2. Kum 50 kalta a, a nupui neih hlima, in tereuhte pindan pathum awm, pal hungna mumal pawh awm lovah an leiah an la cheng a, hetah hian an mamawh a kim a ti thin.

3. Amahin a car a inkhalh a, driver leh security guard a nei ngai lo.

4. Cell phone a hmang lova, a dawhkanah computer a inchhawp ngai lo.

5. Mi haus a leh challangte a kawm ngai meuh lova, a hunawlah chuan ama kan pop corn ei pahin Tv a en mai mai thin.

6. Kum 2002 khan Bill gates nen an inhmuh hmasak ber a ni a, Bill gates hian a mize mil nia a hriat loh avangin darkar chanve chauh inkawm hun a duang a, a han inkawm tak tak chu darkar 10 lai an inkawm a, bill gates hian a ngaina hle a ni.

Warren Buffett a zirtirnate-mihring hi pawisaa siam a ni lova, pawisa hi mihring siam a ni zawk, simple thei ang berin nun tur, mite sawi leh tihdanin ti ve mai mai suh, ngaithla ula, tha intih zawng chauh zawl rawh u. Thawmhna changkang leh manto a nih vang ngawtin inbel suh u, hak nuam leh inhmeh zawng chauh inbel rawh u. Tul lova pawisa hmang mai mai lovin, a mamawhtute tan hmang zawk rawh u. I nun hi nangma nun a ni a, i nunah mi dang rorel tir suh.

**LAWMTHU**

Chanmari West Sazuar Association chu Ni 21.6.2012 khan sa zawrhna dawhkan siamin kan hnatlang a. Hemi ni hian Chanmari West Local Council Chairman leh a thawhpuite'n nilengin min pui a, kan lawm hle a ni.

Lalrinmawia Hauhnar

Secretary

Chanmari West Sazuar Association

**ZOFA**

➤ Veng chhung mi, thalai a duh apiang tan Mizo Hnam Lam zir hun Ni 21 zan atang khan an siam a, veng chhung thalai a duh apiangte zir turin an insawm.

➤ Club member te tan T-Shirt mawi tak siam a ni a, member ten a man pangngai chanve chauhva lei tur a ni a, member zawng zawngelei thei vek turin an ngen.

➤ Club Dress Bag thui that ngai leh Zipper thlak ngaite siam that saktu Pu K. Rochungnunga (V-sect) chungah an lawm hle.

➤ Lam zirna atana Zawlbuluk hmantirtu Branch YMA chungah lawmthu an sawi.

➤ Ni 26.6.2012 (Thawhleh) zan hian YMA Zawlbuluk Lam zir leh tur a ni a, member leh hravuitute kim taka kal turin an inhriattir.

**Hriat ve atan**

@ Digboi Assam ami khu India rama oil thlifimna hmasa ber a ni.

@ India rama tribal kan tih ho zingah Santhal te hi an tam ber a, tunhma Bihar-ah te, West Bengal -ah te, Orissa-ah te an awm ber.

@ Khawvela restaurant lian ber chu Tump nak restaurant a ni a, Bangkok Thailand a awm a ni. In 65 zawl khawm a ni a, ram hectares 4 zet a luah a ni.

@ China ramah chinese scientist ten kum 3000 zet a upa zu an hmu chhuak a, khawvela upa ber nia hriat a ni. Heng zu te hi shang dynasty hunlai a, an thlanin atanga an hmu chhuah a ni a, central china a awm a ni.

@ Pilgrim State Hospital, W. Brentwood, New York, USA a mi hi khawvela damdawi in lian ber a ni a, rilru lam damdawi in a ni.

\$ Hna pawimawh chelh hian mi ropuite a ti ropui zual a, mi nepte a ti nep zual thin.

Jean De La Bruyere

**CWSC**

➤ Ni 12.6.2012 zana CWSC Office Bearer Meeting chuan a hnuai amite hi kum 2012-2013 chhung atana CWSC Executive member turin an ruat a, Ni 22.6.2012 (Zirtawp) zan khan Pu H. Lalramhluna, President inah Committee hmasaber an thukhawm a, Football management board leh Volleyball management board din a ni a, thu pawimawh tam k tak an rel a ni bawk.

CWSC executive member-te

1 NI Vanlalmuanpuui

2 NI Ellen Lalrintluangi

3 NI H. Lahminghlui

4 Pu C. Lalzarliana

5 Pu H. Vanlalvena

6 Pu C. Lalmuanpuia

7 Pu C. Lalmuankima

8 Pu H. Laltanpuia

9 Pu Lalbiakhlu

10 Pu RK Rozidinga

11 Pu John Zosangliana

12 Pu Vanlalzarzova

13 Pu Lalliansanga

14 Pu Zonunmawia

15 Pu Lalrinchhana (Mapuia)

16 Pu Lalchhuanliana

17 Pu Zonunsanga (Patea)

18 Pu Thangsuanmanga

19 Pu Lalrivunga

20 Tv Lalsawmzuala

21 Tv Lalnunhlima (Vpa)

22 Tv Johny Lalthanpuia

23 Tv PC Lalriatpuia

24 Tv R. Lalrinngheta

25 Tv R. Lalfakzuala

26 Tv Zairemmawia

➤ An Adviser Pu Lalbiakhthanga Khiangte 1st Batallion MAP commandant ni turin Armed Vengah an sawn a, an ui hle.

➤ Tv Zohmingliana Tlau finance secretary chu chhungkaw thila a buai avangin a pha a, a aiah Pu Lalliansanga (Malala) ruat a ni.

➤ Mizoram preamier leageu khel thei turin hma lak mek a ni a, he inkhelh hi a hautak dawn a, chuvang chuan hemi kawnga pui thei tan chuan tanpui turin an sawm.

**Septic Tank**

**Septic tank khat engtik lai pawhin kan pah thei reng e, repair pawh kan ti thei nghal bawk, vengchhung mi tan conseson a awm e.**

Contact : Ph. 9612207902

9862375456

K - Section

(I-2)